

Waraga na Paulo öcöö both **Tito** **Köp na tye i waraga ka Paulo** **both Tito**

Tito onwongo obedo Arok n'ölökärë i dini k'Ekiricito. Ën obino ödökö awodh Paulo na könyö ën i tic mërë.

Waraga ka Paulo both Tito ëcöö both aköny mërë na tye i Kurete, n'onwongo ëwëkö kunön më nënö tic ka jö n'oye Kiricito. Köp tye adek na pïrgi tøk i waraga ni.

Më acël, etye ka nïangö Tito më po i kite n'ëtëla ka jö n'oye Kiricito myero obed ködë, rwök mërë i kite më kwö na ba bër ka jö na pol më Kurete. Më ariö, etye ka miö thama both Tito kite na myero opwony dul na papath ka jö n'oye Kiricito, jö na döngö, mon na döngö (na twërö pwonyo gini mon na thino), cwö na thino ëka opii gini. Më ajiki, acöc miö Tito thama na lübërë ki kite më kwö k'Ekiricito, rwök mërë më bedo ki kuc, wat na bër ëka më wëkö adagë, pyem, ëka popoka i kin jö n'oye Kiricito.

Moth

¹ Waraga ni öya ki both Paulo, n'obedo atic k'Obanga ëka akwëna ka Yecu Kiricito. An eora më jingö yee ka jö n'Obanga öyëro ëka më pwonyogi më ngeo köp më adyer na nyutho nigä kite më kwö më lworo Obanga.

² Yee ëka ngec ni ocung i kom gen më kwö na ba thum, n'Obanga, na ba twakö köp më twodo, onwongo öcikö na bara ecweo lobo.

³ Man ënë karë n'Obanga onyutho köp mërë kanyalër na wan ëtütö both jö kibëc. Man ënë köp n'onwongo egena ködë, n'Obanga Alar onu öcikö botha më atita.

⁴ Both Tito, athin-na më adyer na an anywakö kodi yee:

Obanga Apap ëka Alar onu Kiricito Yecu ömüwu gum ëka kuc.

Tic ka Tito i Kurete

⁵ Tyën köp n'ömö an aweki i Kurete onwongo obedo më yübö tic n'odong na ba othum, ëka më ketho edite i taun acëlacël, kite n'onwongo an aciki ködë.

⁶ Atëla myero obed ngat na köp mörö na rac ope i kome. Ën myero obed ngat na tye ki dhakö acël. Ëthinë myero obed jö n'oye Yecu Kiricito, na köp mörö më carö carö kür owinyere i komgi, onyo na ba winyo gini piny.

⁷ Pien atëla ka jö n'oye Kiricito obedo ngat na gwökö jami k'Obanga, myero obed ngat na köp mörö na rac ope i kome—kür obed ngat na wakërë, kür obed ngat n'akëmö makö pöpöpö, kür obed ngat na mër, kür obed akwinyö, kür obed ngat n'owor i lim.

⁸ Ën myero obed ngat na gwökö welo, ngat na marö timö gin na bër, ngat na lörë kënë, ngat na kite atir, ngat na cwinye leng, ëka na gwökërë kënë.

⁹ Ën myero ömak köp më adyer na tëk kite n'epwonyo ködë, ëk ömïï ën öcük cwiny jö nökenë ki pwony më adyer ëka më yübö thama ka jö na pyem ködë.

¹⁰ Pïen jö n'obedo epyem pol gïni, jö na twakö köp na thërë ope ëka jö na bwölö gïni jïi, pol mërë gurup ka jö na mitö ni jö kibëc myero ëlirgi pi larë.

¹¹ Koth jö nön myero imiwugi öling ökö, pïen nwongo tye ka balö gïni jö na pol naka ki jö më udigi kibëc ki pwonyo jami na myero gin kür opwony—ëka ni pi woro më nwongo lim.

¹² Naka thon ngat mörö acël ki kin edwarpinygi okobo ni, “Jö Kurete obedo gïni etwodo karë kibëc, cal gïni ki leeni na ger, eworo na komgi wac.”

¹³ Caden ni tye atir. Pi manön, myero ijükgi na tëk ëk obed gïni ki yee më adyer,

¹⁴ ëka kür obed gïni më ketho cwinygi më winyo köp k'Eyuda më ödödö mökö na thërë ope, onyo cik ka jö na kwërö gïni köp adyer.

¹⁵ Both jö na leng, jami kibëc tye na leng, ëntö both jö na kitegi öbal ökö ëka ba yee gïni, gin mörö na leng dong ope bothgi. I adyer, ryëkögi ëka thama na tye i igi na nyutho niggi bal otyeko bal dong ökö.

¹⁶ Gin tuco ki dhögi ni gin engeo Obanga, ëntö ticgi nyutho ni gin ba ngeo Obanga. Gin obedo jö na reco, jö na ba winyo piny ëka ba twërö gïni timö gin mörö na bër.

2

Pwony më adyer

¹ In myero ipwony gïn na rwatërë kî köp më adyer.

² Pwony cwö na dito më bedo jö na lörë kën-gï, jö na römö awöra, jö na gwökërë kën-gï, jö na yeegi kî margi tye kakarë nakun diö cwinygi.

³ Kömanön thon, pwony mon na dito nî gïn myero obed kî wörö i kite më bedogi kibëc, kür obed gini wegî anii na nwongo cökö köp kî both jö nökenë, kür obed gini jö na dong ödökö gini opii ka köngö, ëntö obed gini jö na pwonyo gin na bër.

⁴ Cë gïn dong twërö pwonyo mon na thinä më marö cwögi ëka ëthinägi,

⁵ obed gini mon na lörë kën-gï ëka mon na leng, na tio gini tic më pacö, mon n'obedo gini ëkica nakun mire gini both cwögi, ëk kür ömii jö nökenë öyany köp k'Obanga.

⁶ I yoo acël nön, cük cwiny awope nî myero obed gini jö na gwökërë kën-gï kî thama na tye atir.

⁷ In kikomi myero ibed apor më timö gin na bër i yodhi kibëc. Bed ngat na kite atir i pwonyini, keth cwinyi ië rwök,

⁸ nakun itwakö köp adyer na ba mïögi karë më nwongo bal mörö ië, ëk ömii lewic ömak ngat mörö na mitö pyem kod onu, piën nwongo gïn ba nönö gin mörö na rac na myero okob gini i kom onu.

⁹ Pwony opii obed gini kî winy both editegi i karë kibëc, më temö yomo cwinygi. Gïn myero kür opyem ködgi,

¹⁰ ëka kür ökwal gini gin mörö kî bothgi, ëntö myero onyuth gini nî gïn jö na genere rwök, ëk i gin na kibëc na gïn bino timö ömii pwony i kom Obanga Alar onu onen na bër.

¹¹ Piën kica k'Obanga na kelo larë onen dong ökö both jö kibëc.

¹² Kica nön pwonyo onu më kwërö lübö kite ka jö na ba lworö Obanga ëka kī miti kibëc më lobo ni. Pwonyo onu më gwökërë kēkēn onu, ëk ebed na cwiny onu tye atir, ëka kī kwö më lworö Obanga i lobo ni,

¹³ nakun onu ëkürö gum na gen onu ocung ië—ënë më nēnō Obanga onu na dit ëka Alar, Yecu Kiricito ka bino dwogo kī dheo.

¹⁴ Ën ömire kënë pī onu më gönyö onu ökö kī i kom bal kibëc ëka më lönyö onu ëk ebed jögë kikome, na tye gini kī miti më timö gin na bër.

¹⁵ In myero dong ikob köp ni gini. Cük cwinygi ëka ijükgi kī twër kibëc. Kür imi ngat mörö ocai.

3

Kit kwö k'Ekiricito

¹ Po wi jö n'oye më mire kēn-gi i thē lōc k'ëtēla ëka wegī twër, më bedo kī winy, më yübërë pī tio tic kibëc na bēcö.

² Kob nigī kür ötwak gini köp na rac i kom ngat mörö, obed gini kī kuc, obed gini kī mwolo ëka më timö kica both jö kibëc.

³ I karë mörö n'opoth anged, onu thon onwongo pod ebedo jö na mīng, jö na ba winyö piny, onu onwongo erwenyö ökö ëka ebedo opii më miti ka jami na papath na yomo cwiny onu. Onu ëbalö karë onu i cwiny më nyeko ëka adagë, jii ödagö onu ëka onu thon ëdagërë kēkēn onu.

⁴ Entö i karë na kica ëka mar k'Obanga Alar onu onen,

⁵ ěn  lar  onu, path  p  tic m r  na b c  n'onwongo onu  t m ,  nt  p  k ca m r .  n  lw k  bal onu nakun m   onu nyw l r  m  ar    ka m  m   onu d k  j  na nyen k  Tipo Naleng.

⁶  n   ny  Tipo Naleng   kom onu na thw n    Alar onu Yecu Kiricito.

⁷ P  k ca m r   n  kw n  onu n  kite onu at r  ka  m   onu m  bedo k  gen m  nwongo kw  na ba thum.

⁸ Man  n  k p adyer. An am t  n  icung unu na t k   k p ni g n ,  k j  na dong oye g n  Obanga obed g n  k  thama m  m r  m  tio tic na b c . Man n  n  b r rw k  ka bedo m  k ny both j  k b c.

⁹  nt  kw r unu k p m  pyem m k  m  mingo mingo  ka k  k p   kom ny ng m k  m  th kwar , dhaa  ka lar  k p   kom c k. Man g n  k b c ba bino k ny wu,  ka k ny m r  ope.

¹⁰ Cok dhan  na kelo apokapoka wang m  ac l,  ka icok wang m  ar  . Kinge man n, k r d k  iribiri k d .

¹¹ Myero inge n  koth dhan  n n  l k r  dong  k  k  k p adyer  ka  t m  bal;  n dong  ng l  k p   kome k n .

K p m  ajiki

¹² Ka an abino oro Artema onyo Tukiko bothi, n n n   t m  t k m  bino yo botha   Nikopoli, p  n an dong atyeko moko thamana m  bedo kun n   kar  m  cw r.

¹³ T m k  t k m  m   k ny both Jena, na  n obedo ngat na ngeo c k, g n k'Apolo   wothg   ka  n n n  g n tye k  jami k b c na g n m t .

¹⁴ J  onu myero opwonyere g n  m  m r  m  tio tic na b c ,  k obed g n  j  na tw r  k ny  ewodhg 

na can mökö diögï, ëka kür obed gïñi kï kwö na köny mërë ope.

¹⁵ Utmego kibëc na tye gïñi kanya acël köda kany omothi gïñi. Moth utmego kibëc na marö onu ï yee.

Kïca k'Obanga obed kodwu!

Leb-Thur

Thur: Leb-Thur (New Testament+) for Uganda

copyright © 2024 Wycliffe Bible Translators, Inc. and SIL Uganda

Language: (Thur)

Translation by: SIL Uganda

Contributor: Wycliffe Bible Translators, Inc.

This translation is made available to you under the terms of the Creative Commons Attribution Share-Alike license 4.0.

You have permission to share and redistribute this Bible translation in any format and to make reasonable revisions and adaptations of this translation, provided that:

You include the above copyright and source information.

If you make any changes to the text, you must indicate that you did so in a way that makes it clear that the original licensor is not necessarily endorsing your changes.

If you redistribute this text, you must distribute your contributions under the same license as the original.

Pictures included with Scriptures and other documents on this site are licensed just for use with those Scriptures and documents. For other uses, please contact the respective copyright owners.

Note that in addition to the rules above, revising and adapting God's Word involves a great responsibility to be true to God's Word. See Revelation 22:18-19.

2025-07-02

PDF generated using Haiola and XeLaTeX on 2 Jul 2025 from source files dated 2 Jul 2025

61e7f4da-dc0f-50a1-9dae-64ee1b392d80